

# 永樂大典

卷一萬九千四百

二十一

# 永樂大典卷之一萬九千四百二十一 二十二勅

## 站 站亦六

經世大典延祐元年二月十一日同知通政院事燕鐵木兒兀魯思不花奏乃者永憐等三十二站消乏故議遣使賑給鈔二千錠米二千石今聞開闢出穽憐之外六站因乏尤甚貧戶之無力不能致乞今站戶之有牛駝者為之運送奉聖旨準都省給降鈔米從通政院遣使給散去訖二十五日中書省奏開闢穽傳旨先立中政院時曾與銷馬聖旨。在後革罷中政院其聖旨盡行拘收奉改立典內院復給起馬聖旨。今中政院既復立可將典內院銷馬聖旨於都省送納以前時拘收聖旨回付中政院欽此竊照先立中政院計與一百一十三匹共四十道聖旨典內院減半給與五十六匹二十道聖旨。今將典內院名字所與者拘收初寫中政院名字八十八匹聖旨與之若何奉聖旨準是月保定路言定與等驛至栢鄉皇慶二年旱災人民至食木皮草葉路當南北衝要使客繁多車力不敷銷馬損斃站戶當使不前進竄者衆若不補換賑濟誠恐隳廢站亦都省

### 永樂大典卷一萬九千四百二十一

議得良鄉至栢鄉馬站一十二所車站六所每馬一匹支芻粟錢中統鈔三錠車一輛支鈔六錠總支六千三百錠以賑之奏準聖旨差官馳驛同各處正官點視各站實有車馬數目欽依給散所換在逃人戶督勒合屬招諭復業馳鈔脚力依例應付三月十五日中書兵部準提調印經官關欽奉聖旨已印經文選速古兒赤王安童寶兒赤脫火赤等前去江西江浙等處散施請給驛事又都功德使司關泰準杭州所進品次錄等經文委毛法師徒弟二人送至李王朝漢河西僧寺合用站車銷馬省部應副都省照擬去年差官諸路送經者四十餘起猶有未回保定等站因值水旱之災人戶逃徙其送經人員多因還家營私既非公選必擾僧俗一則郡縣迎接妨廢公務二則出無定處恣其所向三則事無程期經年不返站亦消乏皆由於此二十七日奏聞者遣使降香念經所通行省路府州縣迎接科歛僧寺錢物以此之故嘗奏所差者每至城邑與行省官開經焚香繞畢即回及將印訖經文就命各處行省來使因便併去今提調印經官復奏專使前去臣等議得各處似此送經者太多又臨迎接科歛之弊今後宜令提調官明具經數所散何寺從中書省公差有職役之人送至行省轉達散施似為便益奉聖旨準都省欽依送兵部施行聞三

月二日。案祥院使野訥等奏所管平江、鎮江兩路常住錢糧各該提舉司、幹辦每處請給常行鋪馬二匹。站船二艘。奉聖旨。鋪馬今翰林院書寫聖旨給與。站船取於江浙行省本院欵。依先咨江浙行省及翰林院出給站船鋪馬劄子。後關兵部照驗。本部呈上項提舉司係外路五品。未有給降鋪馬站船劄子通例。似難議擬。宜從都省移咨江浙行省。并劄付崇祥院拘收。照會翰林院欵。依禁止相應。都省檢會諸衙門不得隔越中書省奏事之制。送兵部欵依施行。六日。中書省奏寬徹言塔夫之城立站。去年奏華夏給駱駝一百隻。馬三百匹。以充轉送。隨有使臣自哈兒班答來進豹子者。盡數起獲鋪馬。其時馬駝方從逃來。膝力未充。過川其間。斃者大半。未免將軍人馬匹當站。今存者又無幾矣。臣等議請充換鋪馬。不可不補置之。如今行省官驗其倒斃之數。給價和買補置。庶幾便當。上從之。又奏哈兒班答也先不花等使臣進送葡萄酒來者實頻。驛傳勞費云。論典酒之官。今後如何較量供送。與都護府官議奏裁處。奉聖旨。準。是月江浙等處行中書省言本省總攝兩浙江東福建四道地廣且重。使客頻繁。近據杭州路照勘到在賊馬站。見在使臣五十三起。日支券例計中統鈔八錠一十五兩有餘。皆是各位下差來印經蓋寺。成造供器。催徵田糧

永樂大典卷之萬九千四百五十一

等事。每起給馬三五匹。驛舍充滿。僦賃民居。動經年餘。不還。日乘小鋪馬一百二十餘匹。常支羊肉分例。馬無停閑。戶多死徙。蓋是各位下及在內官府。不經都省徑直遣使給驛。以致斯弊。又有於所起馬內。轉移摘換。易關文。或初增元利。亦等馬匹。因循不便。宜從都省立法。關防給驛。優恤站赤。省部議得各位下及諸官府。除軍情錢糧急務。量事給驛。禁約出使人。不得於所起馬內。轉行摘換。初添元利。亦馬匹。行移徵政院。及合屬依上檢察禁治施行。又大都驛。及舊運糧提舉司步站所。各站驢馬。倒死。人戶逃竄。今年早滂。闕食。乞接濟事。都省以大都之驛繁劇。甚於他處。量擬每馬一匹。日支粟五升。舊運糧提舉司步站所。每頭日支粟二升。接濟兩月。大都驛馬九百八十八匹。每匹日支粟五升。兩箇月粟二千九百六十四石。驢二十頭。每頭日支粟二升。兩箇月粟二十四石。舊運糧提舉司。車五百八十九輛。每輛驢七頭。計四千一百二十三頭。日支粟一升。兩月支粟二千四百七十三石八斗。步站所。車一百九十四輛。每輛驢八頭。計一千五百五十二頭。兩月支粟九百三十一石二斗。四月三日。中書省奏給中統寶鈔一萬錠。賑濟西番站赤。初皇慶二年。十二月。朔。恩班武靖王。今旨。言於宣政院。請為恩。蘇。桑。甘。思。桑。思。麻。三路站赤。



近年以來馬匹病死。人戶貧乏。請開奏賑濟事。本院啓奉皇太后懿旨。今與都省同議賑濟之宜。檢會得至元二十九年。元貞二年。小只愛亦伯朶甘思烏思箴等站。經值寇攘。中書亦嘗給降馬牛寶鈔。差官接濟。今烏思箴等除小站七所勿論。其大站二十八處。連送西番布施來往之使寶幣。人戶數少。驛程近者不下三五百里。年深未曾給惠。省院公議依例接濟。又為在京錢物不敷。定擬二十八站。各給中統鈔三百錠。總計八千四百錠。若或不足。就於宣政院所轄西番課程錢物內。斟酌增給。都省官啓奉皇太后懿旨。宣政院官暗普等言。前站重困。非增多賑濟不可。宜支鈔一萬錠以與之。至如西番出產物貨。及供奉於我者。亦可增與。整治站赤。欵此奏奉聖旨。準上給降賑濟去訖。七日。中書省奏。通政院言。脫忽脫大玉位下。撥出鐵里干站。自開幹禿至小只凡一十驛。今春值風雪沙土。鋪馬多倒死。站戶乏粮。祇應無從所出。若不少加接濟。愈見困乏。今議每站各與白米百石。中統鈔百錠。今上都留守司。通政院。差官給散之。上曰。可。五月八日。中書省奏。功德使司言。奉旨遣各里馬失里等。前詣杭州。傳靈等寺降香。請給鋪馬。臣等議得。五嶽四瀆。名山大川。歲時降香。固當乘傳將命。其餘小寺院。或所不宜。合無罷行。上曰。答里馬失里勿去。省差宜

使一人可也。對曰。此等寺院。非大利上位。如此致香。恐不宜。上曰。朕實命之。但勿令僧司遣使。從爾差宣使。實行。今後似此。令人降香。爾再奏者。又奏杭州所進八歲經文。前者月魯鐵木兒奏。今送至河西之地。移文省部。遂旋糞去。今又奉旨。復送六歲經文。前去所慮。大都迤西驛傳。迤送西番僧人舍利。往送類數。因乏莫甚。請停六歲經。俟秋收之後。徐議糞去。奉旨。今姑止之。後收量各站氣力。遂旋遣送。十七日。中書左丞相阿散等奏。保定真定二路。所轄定興至栢鄉十站。去歲值災。田禾不收。站戶貧乏。逃徙者多有之。若不整治。誠恐隳廢。風憲有司。屢嘗陳說。今擬至大四年。已前逃亡消乏站戶。於相應民戶內。倉補。委真定路總管馬思忽。保定路總管教化二人。提調。毋令動眾。其在皇慶元年。已後逃徙者。招誘復業。六月十二日。中書省奏。御史臺言。奏準行臺及廉訪司官之任。今後不以速近。往回成許給驛。其去也。則從此給降起馬聖旨。回時驗所受宣勅。但今所受宣勅。但今所司依元去驛馬數目。給據應副。臣等議得。遠方地面之任。回還合與驛馬船隻。已有定例。乞只依先例行之。奉聖旨。準。二十二日。中書省奏。在前典瑞監。除掌金字圓牌外。復有鋪馬聖旨。三百餘道。至大四年。將此聖旨。納于翰林院。以此金字圓牌。遺糞不敷。續已奏請增置五

# 永樂大典

## 卷一九四二二

十面。自去年以來。但干細務。并商價之事。皆佩圓牌而行。至今未收入者有之。蓋圓牌遣使初為軍情大事而謀。豈可濫給。自今餘事求給牌面。不經中書省。樞密院者。宜勿與。上曰。卿等先取勘數目。安有此理。今後只令軍情公事差使者。二十三日。中書省奏。先為西邊過川兩界。軍人馬匹傳送頻數。物力消乏。已嘗奏准。各與馬三百匹。駱駝一百隻。以當站役。尋值風雪勞苦。喪馬一百九十九匹。駱駝二十四隻。今甘肅行省來請補置。臣謂彼方川石之地。馬駝之斃可知。若不補置。必損軍力。宜令行省隨所闕者補之。不敷之數。卻用軍人馬匹添助。上曰可。七月十八日。中書省奏。前者以西邊川地。軍人當站消乏。奏準令甘肅行省買馬駝應副支遣。仍遣復蒙古站戶當役。今本省回咨。欽遵上命。追究元當站羌吉刺準行哈等戶。仍令復役。及於曲尤沙州瓜州上戶內。僉補一百戶。以充察已站役。既而諸王納忽里執祀聖旨。云屬本位下種田戶。有司不得侵犯。於所僉站戶內。指揮位下戶計者取去。咨請照詳。臣等謂元降聖旨。止以百姓數目屬之。豈可不令當站。合依元僉民戶。仍復其役。奉聖旨準。是月中書省奏。過者議將元僉站戶。發遣答失城當站。數內有四枝滅吉憐民。或稱屬阿八赤。昔寶赤。因以避役者。據諸王南忽里來文。稱當時百姓衆多。

### 永樂大典卷一九四二二

四

故充阿八赤。昔寶赤。今百姓數少。合今當站。此議誠然。又滅吉憐民有散居各處者。宜從彼省與南忽里差人收聚。悉令當站。奉聖旨準。十月十九日。中書省奏。整治遠北軍力。今聞鐵里干站地草生。計時合給戍軍錢物。須藉站力運送。公議自大都至李陵臺。漢地之站。各與鈔一百錠。鐵里干至和林蒙古站。各與鈔二百五十錠。檀州灤陽兩站。各與鈔七十五錠。總天鈔一萬錠。前去給散。上曰可。二十四日。中書省據御史臺。備西臺監察御史言。甘肅納憐驛。係蒙古軍人應當。專備軍情急務。其餘非關緊要。但懸金銀圓牌。往往取便。經行。若不禁止。不可。下兵部通政院議。今後除懸帶金銀字牌面。道報軍情機密重事。使臣使行納憐驛道。其餘一切出使人員。俱合兀魯思兩道。漢站運送。及葡萄酒。依在前年分令駱駝般運至漢站。接運赴都。誠為便益。都省準呈。二十七日。中書省奏。乃顏叛亂時。水達達。女直等站皆廢。續為進呈海青。故收聚舊來站戶。及僉撥開元路編民。乃顏戶計。同當站役。已經奏準。世祖皇帝聖旨。但是已當定站戶。諸人毋得替換。今遼陽行省來言。開元路官以王雪兒等。驛程遙遠。擬於水達達萬戶內。撥一十五戶。累代王雪兒等。共當站役。蓋緣前站乃世祖皇帝定制。毋得替換。是則水達達戶內不當差撥。止合王雪兒等。依舊



當站奉聖旨準。是日中書省又奏。西番僧乞刺思八班等六人。元起鋪馬十一匹。赴都。今欲回還。止有三人。復索元來馬數。兵部止給八匹。馳駝過重。行至涿州。為監察所劾。每駝稱斤一百七十。事下刑部。詞伏。擬杖六十七。宣政院官俺普言于上曰。是僧速來。所將囊索。乃上所賜物也。以此過重。請增鋪馬三匹。連今回去。奉旨準。又奏。西番僧人駝子定制。一百斤之上。勿令負載。今所駝過制。多索鋪馬三匹。罪當六十七。臣等以為僧人。權擬免罪。多索鋪馬。不可復給。若有御賜之物。則從驛傳。每駝不過一百斤。其餘餽贖之貨。不得以官力行。上曰可。又奏。沙瓜州立屯儲總管萬戶府。掌在屯田公事。請給差使鋪馬聖旨。內起馬二匹者二道。一匹者四道。奉聖旨與之。都省送兵部。行移翰林院。欽依。譯寫給發施行。是月。兵部呈為保定中出。真定等處站戶。消乏。西僧給驛繫數。人馬被害。宜從都省。劉付宣政院。行下土著。宣慰司。都元帥府。移咨陝西行省。今臨兆府等處。脫脫赤孫。欽依。累降詔書。分揀禁約。毋致泛濫。重載。及今御史臺。照會廉訪司。查勘各站。遵運使臣。糾其非違。都省準擬施行。十一月二十六日。翰林承旨。滅怯充等奏。請府官。各杖遣使。先定鋪馬。貴利里哥來索起馬聖旨。從之。則為數過多。不與。則懼違上命。今後乞依都省定例。隨其

永樂大典卷一萬九千四百五

五

品秩。出給鋪馬。無品級。怯薛人負給馬四匹。以下本院議書。四品以上者。奏。又其餘官府。不經都省。照會。求起馬聖旨者。亦乞止之。奉旨若曰。卿言是也。可移文都省。通行諸官府知之。十二月三日。中書省奏。通政院言。納情一道二十三站。人戶闕食。請接濟事。臣等議得。當站之人。各與三月口粮。近倉者。給以米粟。去倉遠者。量價給鈔。上曰可。都省遣使。與甘肅省。委官。親詣二十三站。取勘戶數。每戶五口為則。少者從實。大口月支二斗。小口月支一斗。接濟三月口粮。就於各處附近倉分。覓在粮內。支給。去倉遠者。照依時值。準支官錢。又訖米三千七百六十七石四斗。鈔五千二百七十三錠二十兩。是年冬。通政院準也。可。扎魯花赤口干。僉通政院事。那懷言。木隣站。迤裏。昔鹽泊。至劄哈站。今歲天旱。禾苗不獲。戶口饑饉。鋪馬。疲損。凡有使客。靡不失惜。所以賑濟人馬。易粮者。院官其圖之。又據興和路。脫脫赤孫。中。昔鹽泊。至燕只哥。赤斤等四站。經值霜雹。阿察大都。至寬迭。傳不刺等五站。自春至秋。早暵無雨。禾草不生。站戶消乏。尤甚。皆請接濟粮料。本院關兵部。照九站。實有戶口馬匹。接濟米粟。似望不致廢斷。本部以前站。即與川中。察罕。慈赤海等一十七站。接運。彼既接濟。此亦一體。具呈中書省。區處。都省奉准。每站各與粮一百五十石。令通政院。差官

同河東宣慰司官前去體勘。分別端的。貧下站戶。就與附近官舍交付。去  
省遠者。驗時價給鈔賑之。二年正月。翰林院欽奉聖旨。撰寫諸王沙藍  
常川起馬四匹聖旨。除欽道外。錄漢字檢目呈省。都省尋議拘收。行據  
本校下。隨路民匠總管府中。年例五戶。錄於大都關文。其陝西奉元路所  
設打捕鷹房民匠總管府。掌在怯憐口戶。辦納軍器皮貨物色。及河南府  
路。人戶賦稅。每年差官欽責起馬四匹聖旨。前去各處催徵。於八月內持  
奉聖旨。命沙藍大王。赴迤北稱海住冬。去訖。即日奉旨。方當催辦。如蒙照  
依前例。給降銷馬四匹聖旨備用。似不失誤。今責元降起馬四匹聖旨一  
道。回納省庫收貯。省部議得本位下元。給起馬聖旨。既以拘收。今後果有  
合行差使銷馬。從本府申部呈省應制。二月二十四日。宣政院奏。請出  
使西番者。自京兆臨洮府。附帶碧甸子。銅器。稅糶。靴履裝。賦銷以營市利。  
如此冗濫。命京兆臨洮府。泥河所。設脫脫木孫提調檢察。果有商販之  
物。未便科罪。其貨沒官。奉旨準。是日。中書右丞相鐵木迭兒等奏。諸王  
公主駙馬頻數遣使。前赴西番之地。以故站赤困乏。若不奏聞。恐宣政院  
隔越中書遣使。乞令省約奉旨可。奏臨洮府。能幹脫脫木孫一員提調。  
二十七日。中書省奏。前者翰林院奏奉聖旨。今後依都省定例。隨品秩出

永樂大典卷九千四百五十一

六

給銷馬無品秩怯薛人員。給馬四匹以下。本院區處。四匹以上。奏。臣等已  
準來文。今議依先例。諸王附馬。并蒙古各千戶。合給銷馬聖旨。翰林院議  
之。除此之外。諸官府庶務遣使。乞依舊制。令白於中書。然後行之。制可。  
是日。中書省又奏。去年典瑞監。為差使金字圓牌不敷。增造五十面。當時  
曾奉聖旨追究。往。前已獲未納之數。且謂今後非軍情事。不得差使。未幾  
典瑞取勘。初置圓牌。總二百七十二面。自至元十五年以後。給付諸人未  
納。及值諸王失列吉。要木忽兒等。叛亂。費帶前去。或為兀魯思。隱占行使  
者。有之。難以窮究。以此世祖皇帝。不用舊來牌面。初置此項圓牌。及遣小  
圖書鈐印馬數。以為記驗。今請依前旨。金字圓牌。除軍情大事外。不合差  
使。似為便益。奉旨是也。宜令追之。都省欽依行。移各處照會施行。是月  
嶺北行省。咨任回官負脚力。止依品級。應副站車。邊方酷寒重地。實比雲  
南福建。風土不同。若依舊制。應副元來銷馬站車回還。庶見優恤。省部照  
擬元行舊例。職官依驗元去銷馬站車數目。應副。今詳史宣使人等。元給  
銷馬二匹。內量減一匹。卻就站車一輛。回還相應。回咨嶺北行省。依上施  
行。三月二十四日。通政院準。木憐阿失。不判察罕。忽魯渾察罕。懸赤海  
三站。言從壬子年。至今天。早。易草不生。去年運軍器。雖曾給散鈔物。皆



以銷用。自冬徂春。連值大雪。黑風飄散積草。鋪馬缺食倒斃。所存不過二三十匹。以供走運。大率羸瘠。亦將死損。馳驛者既已失候。遲運。又且住滯。站戶及妻子往往餓餓喪亡。乞救濟事。本院關部。議得川中阿夫不判等三站。接連嶺北一道。通報軍情緊急重事。擬合斟酌接濟。具呈中書省。議得每站增給馬五十匹。准支價錢中統鈔三百錠。從通政院委官關領前去。同河東宣慰司官。給付各站買馬當役。仍接濟米糧各一百石。以給貧下站戶。就於靜州等處倉內放支。其去倉遠者。驗時直準鈔與之。於四月十七日。奏奉旨。准。二十六日。中書右丞相鐵木迭兒。左丞相阿散等。啓於皇太后。行幸之時。沿途納鉢。常令準備車輛。或先期一月之前。備車秣馬僕候。致令頭匹損壞。又奪農時。臣等今議起發之時。各杖合與車輛。就此應副。其沿途納鉢增索之數。不須與之。已奉聖旨。准奏。故再啓請。奉懿旨。勿與可也。都省收此。送兵部依上施行。是月江浙等處行中書省言。平江路站赤。多有各杖下差來使臣。催徵撥賜田租。日乘鋪馬。坐食依例。動經半載不去。其田既有差設莊官。合無定擬。不須差官。就令莊官將收到糧斛變鈔起解。實省鋪馬祇應。請臣處事。省部議得。所言出使人員。乃在都徽政院等官府所遣。而各處俱有所屬之司。回咨江浙行省。照勸差去官。委有所屬司存。照依定例。大事應付。

永樂大典卷一萬九千四百五

七

首思鋪馬八日。小事三日。餘外不許支給。其無所屬。及各杖下人負督責。有司欵依至元新格程限。早完其事。發遣以行。五月武備寺言。蒙古行營甲匠成造到皇慶二年皮甲一十九副。照依年例於保定路取給鋪馬一匹。站車一輛。本路教化總管為押運人。別無欵責聖旨。不準應付。有礙起納。本寺御開關出等奏。奉聖旨。軍器乃大事也。何故阻之。可移文都省。下各路今後納皮甲鋪馬。毋得阻當。請欵依施行。兵部以武備寺隔越中書奏事。干係政務。上項皮甲。即係年額之物。若押運人負欵責聖旨。依例應副鋪馬。如無則以快便脚力起發。以此議得。今後軍情急務。起發軍器等物。押運人負。果合乘驛者。於本路已降差使聖旨內。就便給發相應。呈蒙都省准擬。連送兵部依上施行。仍關武備寺回奏。六月二十日。中書省奉旨。遣朵解也先帖木兒亦納夫里住五臺散莽齋。給鋪馬一十五匹。又遣闊兒魯班等至五臺山開讀藏經。給馬八匹。欵此。擬給金字圓牌二面。左丞相阿散。以為舊制金字圓牌。乃軍情大事所用。今讀藏經。散莽齋。恐不宜給。二十二日。尚書乞塔。以其言奏聞。奉旨。權宜令去。今後軍情公事外。其餘毋得行用。中書省送兵部欵依施行。二十五日。平章察乃。通政院使寒食等奏。哈思哈那充一十四站廢總。奉聖旨。每站各與馬一百匹。每匹價鈔六錠。計鈔八千四百錠。都省欵依給降。委



# 永樂大典

卷一九四二一

通政院判帖木兒不花。前赴各站給散訖。是年冬。湖廣行省備興國路判官朱承直言。江南赴任。及任回官。宜令鎮守軍官。巡尉捕盜官。相參防送。所至於官舍宿泊。量給粥食。庶便往來。且免盜賊劫掠之患。中書兵刑部議得。鎮守巡尉司弓兵。本以禦賊盜。若令防送往來官。負有妨警捕加之各處。年銷錢。不敷。難議供給粥食。宜令所在官司。驗所授宣勅文憑。止宿官舍相應。都省準擬。三年正月十四日。都功德使肇真乞刺思站班奏。奉聖旨。擢思羅師父門徒。峻南監歲者。欲回朶甘思之地。本僧每年率三十衆。為朕起建。具送好事一月。其餘省部斟酌。應副銷馬。以行。兵部議得。所索銷馬。別無欵責。御寶聖旨。具呈都省給降。四月十二日。丞相阿散。平章李道復。兀伯都刺等奏。班吉幹節兒。講主之下。三丹講主有疾。奉旨。令同輩真乞刺思師父。回還西番。三丹及其徒共四人。起銷馬四匹。又擢思羅師父。徒弟。峻南監歲等六人。起馬六匹。都省見存銷馬聖旨。不敷。若與此僧。亦難拘收。合無定擬。西番回僧。令翰林院斟酌。擢節譯寫聖旨。與之奉旨。准。都省欵依施行。二十六日。通政院言。納憐二十三站。消乏。除免忽兒月良九站。已濟。勇粟外。哈溫至東勝。一十四站。未有。與甘肅行省。非奉都省明文。率不津濟。今每站有馬二百匹。去年天旱。無草。靡

永樂大典卷一九四二一

八

不羸瘠。設有軍情。給驛。宜不失候。都省遣本院通事徹里。前去甘肅省等處。給散料粟七千九百九十六石七斗。二月二十二日。武備寺言。于中書省。本寺統領各處。局院。催督軍器。舊制上都大都。各給銷馬聖旨八道。去年拘收入省。嘗以軍器公事。為重。奏奉聖旨。累次移文兵部。請給不至。今來軍器起。難俟兵部取發。請依已降聖旨。早賜給降事。都省送兵部。照得皇慶二年七月二日。已經奏準聖旨。除樞密院。御史臺。宣政院。徽政院。也可札魯花赤外。其餘衙門。銷馬聖旨。皆令拘收。若議再與。似成偏負。如武備寺。果有差違。移文都省給驛。除欵遵外。合令武備寺。依上施行。六月十一日。將作院使哈撒不花。傳奉聖旨。朕聞諸王駙馬。各技兒。遣使至五臺降香。及西番僧人。指以降香遊五臺為名。乘占小銷馬站車。多取水例。使堅州。臺州。兩處官司。百姓被擾。其令殊祥院。分揀各技來使僧人。有事者。量給銷馬水例。無事者。三日之外。不得給。從彼赴都之人。亦分可否給驛。中書省。宣政院。功德使司。皆令移文照會。欵此。殊祥院。移關兵部。依上施行。九月。湖廣行省。備廣西道。宣慰司。言。速方之任。官負。父母亡沒。奔喪丁憂。因病作廢。卻令自備脚力。跋涉江河。若貧薄無力。留滯邊遠。有失親喪。誠可憐憫。兵部參詳。合準行省所擬。照依已定品級。陸路長行。

馬匹易粟。水路斟酌。應副站船出還。相應都省議得。見任遠方官身因病。作闕難準所擬。奔喪丁憂人負。照依任滿得代。一體應副脚力出還。移咨行省。及下兵部依上施行。是月。江浙行省咨。差撥祗應庫子。令各路照勘正貼戶。實有餘款。除下戶外。下至十石。多者積算。通融計日。應當周歲。輸漕一次。請照驗事。都省準擬。回咨依上施行。十月。衛輝路言于河南道奉使宣撫。及本道廉訪司。本路車站正當衝要。所設車一十五輛。逆運不敷。竊照鄰郡彰德路。宜溝站。額置車二十輛。即與本路一體。兼本路水站置船三十艘。人丁二百五名。雖備而少用。奉使與廉訪司公議。摘除站船一十艘。人丁六十名。每船二艘。丁一十二名。改設站車一輛。總增五輛。以備逆運。官民皆便。呈省請區農事。省部議得。既經奉使宣撫。及本道廉訪司。定論準擬。依上施行。四年正月九日。通政院使木吉等奏。苦鹽泊至迭連不刺九站。消乏。數內寬迭連不刺。喇塔兒兩站。馬戶為叛戶所奪。未請接濟。臣等議得。彼處答吉倉見貯官粮。其間七站。乞各與米一百石。可自取之。寬迭連不刺。喇塔兒兩站。各與一百五十石。就令答吉倉佃戶送致之。仍委都事完者帖木兒給散。奉旨準。總計給米一千石。二月一日。通政院使塔海忽都魯。太僕寺丞。幹羅思奉使回奏。整治帖里干站赤。

水樂大典卷一萬九千四百五十一

自阿蘭至小只一十六站。給散馬五百八匹。馳二百五十五隻。先是上命幹羅思馳驛拘刷民間馬匹。以給帖里干站。如無。則與係官馬馳。及於阿木哥禰兀阿思罕。熬刺哈兒等。斷沒馳馬數內。支給。至是逐命。既而太師中書右丞相帖木迭兒。平章政事兀伯都剌拜住等。又奏。前者以帖里干站消乏。故遣塔海忽都魯接濟馬馳。今聞各站頭匹。又復瘦損。太后懿旨。嘗今整治之。請就上都庫。支鈔五千錠。遣通政院使撒台乞兒海牙二人。前去買馬接濟。奉旨準。都省給降鈔五千錠。買馬八百三十四匹。分給帖里干三十站當使訖。十四日。御史臺奏。行省官之任。除合給鋪馬。又復應副車輛脚力。今西臺赴任官。合依前例鋪馬之外。大夫給車三輛。中丞侍御二輛。治書一輛。以後為例。奉旨可移文都省施行。都省照議行省之任官。除合起鋪馬外。丞相平章。例給站車二輛。左右丞。參政。車一輛。今次御史臺奏。準行臺之官。站車俱為通例不同。劄付本臺。就便回奏。下兵部依例應副施行。是月中書兵部。照得遠陽行省。懿州不應支過皇慶二年。使臣上馬。分例鈔四十七錠。三十二兩六錢四分。已擬減駁追理。今本省咨謂。出使人身上馬。依例擬合減半支付。所據前鈔。係延祐二年十一月二十七日。已前減駁之數。伏請欽依。革撥。已後減駁數目。着落追徵。本



部議得出使人負經過止宿已有祗應道例。既已上馬。又需當日。似涉重複。合咨遠陽行省。更為照勘。減駭支過。依例。如委係延祐二年十一月二十七日詔。敕已前事理。依準所擬。欽依。革權。已後不應支過數目。着落當該人負。追徵。還官相應。呈奉省準。依上施行。九月大都路。良鄉驛。言自閏正月二十五日。涿州驛。送到晉王位下來使。鎖亮等四人。又西番大師。加瓦。歲卜等七人。到驛。各索走驢馬匹。提領百戶。皆被鞭撻。越次選取驢馬。供給。二月一日。復有西番僧。短木察罕。不花。八哈。夾等二十一人。起正馬三十二匹。回馬十匹。需求走驢馬匹。善提站赤。侍候選馬。無所控訴。竊照本驛。置於繁軟之下。南北衝要。供給浩繁。似此被害。何以堪命。乞禁治。事。省部照擬。得國家設置驛傳。所以通達情。備急務。近年以來。諸官府給驛繁數。站民匱乏。至於今歲。尤甚。且大都南北六道。站赤。比之各省。尤重。昔之朝廷。每加優恤。今此所陳。良可哀憫。若不嚴行禁約。誠恐逼臨站戶。逃竄。廢絕。站赤。深為未便。都省出榜。諸站。及下各路。依上施行。仍咨行省一體禁治。十月。甘肅行省言。本省地在極邊。往來經涉沙漠。官吏人等之任。已蒙給驛。任回則備已力。人稀路迫。所過艱險。比之嶺北荒惡尤甚。如準已擬。除所轄居住人負。不須應付。其得代出境者。照依嶺北省

例。官為給驛回還。使庶官得受均惠。無回顧之憂。誠為合義。兵部參詳本省道遠。不通舟楫。如準所擬。本處土居人負。不須應酬。其餘任回官負。脚力。照依嶺北省例。職官驗元去。鋪馬站車。應酬。今譯史宣使人等。止給鋪馬一匹。站車一輛。身故家屬。一體應酬回還。相應。都省議得。甘肅行省任回官吏。除犯賊解任者不給外。餘人並依元去。脚力回還。餘準部擬。移咨甘肅行省。依上施行。是年中書兵部。言各站設置提領。止受部劄。行九品印。職事車馬之役。所領站戶多者三千。少者五七百。比之軍民。體非輕細。得其人。則戶安事集。非其人。則民困事廢。奈何俸祿不給。三年一更。貪邪得以縱私。廉能無以激厲。站赤消乏。職此之由。今擬各處驛驛。除令丞外。見仗提領。不許交換。欺事者。依例追斷。停罷。廉能者。雖歷三載。聽民舉留。庶望所任。盡職。站赤相安。都省準擬。運送兵部。依上施行。五年。二月十五日。中書省奏。帖里干站赤。老温哈刺。至察罕。曲律阿答。出等一十站。馬駝。積斃。今議各站。給與駱駝二十隻。每隻價錢中統鈔二十五錠。委官前去收買。給散各站。相應。奉旨。準。都省差通政院。經歷伯都。前去買給駱駝二百七十二隻。十二月二十六日。通政院使察乃。失刺脫端。魚通政院事。八的兒等奏。世祖皇帝時。給發圓牌。聖旨。驗差。劄起。與鋪馬。今來



官府書立印信乘驗。方準給馬。致急使住滯。失誤公事。奉旨可依舊制給與使臣圓牌聖旨。各驛驗差割起與鋪馬。不須立案。六年正月十日。宣政院使月魯帖木兒八剌脫因答兒麻失里等奏。烏思藏納憐速古兒赤宣慰司言。往者烏思藏等站赤消乏。嘗奉上帝命每站與馬一百二十匹。準支價錢。今來各驛消乏尤甚。雖議於魯瓦雷民之家。抽分馬匹應到。恐不能濟。乞津濟物力。又奉帝師法旨。烏思藏撒思加答龍宋都思亦思答四站無營盤。數年田禾不收。頭匹倒死。至甚消乏。歲卜八國師等。并宣慰司。數次移文上言。在先世祖皇帝。成宗皇帝時。以此數站消乏。曾令官給物力。今宜依先例濟之。臣等議。今不賑濟。直至斷絕。卻行相立。愈見費力。乞依先例賑給。奉旨準。欽此。本院具呈都省。於三月四日奏。四站各與五十匹馬價。每匹六錠。上從之。總計烏思藏。撒思加等四站。每站馬五十匹。該價錢中統鈔三百錠。計一千二百錠。整撒思加答龍宋都思亦思答。四月中書兵部。承奉中書省劄付。通政院官稟說。帖里干站道內。伯只刺慈赤海兩站。頭匹倒死。失誤走逃。又苟赤人也速答兒。以己馬七匹。與伯只刺站添力事。於三月二十九日。參政燕只哥。通政院使克魯帖木兒等奏。每站各與馬五十匹接濟。奉旨準。又奏也速答兒。回賜表裏。奉聖旨可

賜銀一錠。以勸後人。欽此。迤北收買驢馬。每匹給中統價鈔六錠。欽奉前因。都省議得上項馬匹。委上都留守司達魯花赤只兒哈郎。留守賀開府。不妨司事提調。與通政院官照依官定價直。就便從宜欽依收買。堪中馬匹。貴付各站走逃。毋致失誤。具收買交付訖馬數日期。用過價錢。通行呈省。所據回賜也速答兒銀一錠。於係官銀內支付。依例除破。七年四月四日。參議速速以丞相帖木迭兒之言。上奏。前者高諸王駙馬乘驛聚會之故。整治東西兩道站赤。與訖物力。今諸王欲各歸鎮地。當此站赤消乏之時。經過徵求分例草料。乞各與鈔二百錠。奉旨準。二十九日。參議速速奏。昨奉旨令馬進通政院兵部所管站赤。緣由沿革未上。今謹進呈。上覽畢。曰。世祖皇帝時。達達漢人站。係通政院管領。今可依舊制。悉歸之通政院。五月十一日。中書右丞相帖木迭兒。平章政事拜住等覆奏。上曰。可依前旨。令通政院領之。九月十四日。通政院判官伯帖木兒。奉旨赴本驛站取勘貧富站戶數目。呈省區處。十月十七日。奏請接濟貧戶。上是而從之。都省委官與本院同知不顏。前赴本驛三十一站。給散訖中統鈔三萬八百錠。糧五百石。十一月。通政院官字樂解等奏。奉聖旨。節該世祖皇帝時。腹裏江南漢地站赤。例從各路達魯花赤總管提調。近年令

# 永樂大典

卷一九四二一

州縣管領。似此站赤受害。今可依前例。皆令各路達魯花赤總管提調。州縣官勿得預。省部欽依通行。照英宗皇帝至治元年十一月二十九日。納憐道哈刺兀孫脫脫木孫。咨減拙解言。哈刺溫至哈必兒哈不刺二十四站。初無田土可耕。自薛禪皇帝時。官給馬匹草料。站戶口糧。延祐七年八月以來。雪重草死。官無芻粟。以致馬匹瘦弱。遲誤驛傳。請接濟事。都省差通政院宣使果兒赤。赴甘肅行省。河東宣尉司。給散訖粟料三千五百六十四石。二年通政院言。近年諸官府遣使。皆執聖旨。及差劄起馬。中間泛濫。無憑稽考。今後除樞密院。御史臺。也可札魯花赤。宣政院。徽政院外。其餘遣使給驛者。合遵至大四年。已降聖旨事意。經由省部。關會本院。應到省部。準擬依上施行。三年正月一日。中書右丞相拜住。左丞達達等。奏和林之南。沙蘭禿等六處馬站。連年絰值風雪。芻草不生。人馬瘠乏。合無差官取勘戶數。每戶接濟中統鈔三十錠。奉旨準。都省差同知通政院事。亦憐真馳驛。至沙蘭禿等站。給散訖鈔六千二百錠。既匹折鈔三千一百錠。泰定元年三月一日。中書右丞相旭邁傑。左丞相倒刺沙等奏。帖里干木憐納憐站赤。因諸王駙馬。在店薛地聚會。頻取物力。以致消乏。臣等以為站赤乃當時之急務。一次整治有法。站戶累歲獲安。今令通政院

永樂大典卷一九四二一

十一

分別貧富等差。其有馬駝及二十。羊及五十者。是為有力。餘無此數者。官給中統鈔五十錠。補買與之。及又半年口糧。下半年草蓄息。可為久計。奉旨準。都省欽依。委官分道馳驛前去。給散訖鈔二十一萬三千三百錠。糧七萬六千一百四十四石八斗。木憐道三十八站。鈔八萬四千五百錠。糧一萬六千九百三十三石二斗。納憐站道二十四站。鈔四萬一千七百五十錠。糧八千九百二十石八斗。帖里干五十七站。鈔八萬七千五百錠。糧五萬二千九百九十八石八斗。三日通政院使察乃脫兒赤顏等奏。世祖皇帝時。漢地站赤。從各路達魯花赤。總管提調。在後又令州縣官領之。既而站戶受害。依舊從各路正官提調。州縣不預。至治三年。英宗皇帝行幸五臺之時。左丞達達。同知不顏復奏。今州縣提調站赤。今站戶告言。既隸通政院。又屬州縣官。於已誠有不便。臣與右丞相旭邁傑等共議。但凡事並依世祖皇帝定制。已嘗詔告天下。今次站赤。止合從各路達魯花赤總管提調。毋令州縣官領之。奉旨準。六月十日。詔書內一款。軍國之務。站赤為先。除達達站戶消乏。已令接濟外。春秋車駕。經行處所。使客比之他處繁多。大都上都。自備首思者。每站給中統鈔二千錠。與和。宣德。拘該漢站。各一千錠。站戶接濟。仍仰中外諸司。各務得節。不許濫行給驛。違



者。依條治罪。中書省下兵部通政院。照勘到合接濟一十六站。給降中統鈔二萬九千錠。遺尚果寺丞脫脫。通政院都事哈刺章文散訖。上都至大都昌平等一十三站。文鈔二萬六千錠。興和路三站。文鈔三千錠。二十一日。通政院使察乃等奏。春秋往來上都。各供帳內馬馳有關。全仰站車以行。隨駕官府。及各枝人負。每年起糞鋪車。站戶苦之。今將起糞上郡。回還大都。各供帳所須鋪車。欲乞矜憫住罷。令中書省應副車輛頭匹。其餘各枝官負。悉令自備物力起行。可否取裁。奉旨準。二年六月。兵部侍郎劉秉德言。諸王駙馬。各杖下。給驛費。及隨朝諸官府。多有未拘鋪馬聖旨。凡遇遣使。假公行私。徑赴通政院給驛。擬合從新分揀。諸王駙馬。各杖下鋪馬劉子。擗節與之。不許似前泛濫。除樞密院。御史臺。也可札魯花赤。宣政院。學事院外。其餘官府。應有鋪馬聖旨。盡數拘收。果有公事給驛。移文省部應副。不經省部者。不得給。從監察御史。廉訪司糾察相應。省部準擬施行。三年。二月二十三日。中書右丞相塔失帖木兒等奏。京畿道奉使宣撫言。昌平縣站戶差役頻數。自備祇應。以故物力消乏。漸致逃徙。臣等詳照往年。其地田禾不收。又為路當衝要。驛傳倍勞。累嘗奏降鈔定津濟。今國家雖乏錢糧。亦宜賑恤。設若墮廢。愈難整治。請發鈔二千錠。

宋樂大集卷一萬九千四百二十二

委官驗貧富多寡給散之。奉旨準。又奏驛傳所以通報國家急務。近年以來。西番僧。及工匠之徒。泛濫給驛。是致站亦疲弊。今後此徒。凡有不切之務。乞禁止給驛。事果急速。三分車馬之數。應副一分以行。仍準當該官司公文起遣。似為允當。奉旨準。四年。五月十五日。通政院使脫亦納失龍灰等奏。上都周遭草地。及各站牧馬地內。舊例馬牛外來者。執之以供驛。傳三日。後回付畜主。羊口入禁。沒為館食。今議若畜主不出識認者。合無作不關。奚數枚係之。奉旨準。是年。兩浙江東道。奉使宣撫言。站亦消乏。兵部議得。各處水馬站亦消乏。例合有保勘不干礙五品官體履。監察御史。廉訪司體察。依例食補。然行移之間。為無所立程限。往復淹延。民受其害。今擬從中舉日為始。至監察御史。廉訪司體察畢。定期一歲完備。違限者。從監察御史。廉訪司糾察。省準通行。明宗天曆元年。九月。通政院言。方今海宇混一。庶務浩繁。百色所需。全藉騎馬辦集。近因迤北軍馬。將薊州。夏店。昌平。民鄉。涿州。并北口。榆林。洪贊。雷家等站開散。焚劫畜產房舍殆盡。今擬平定。諸王駙馬。各杖朝賀。使客頻數。供給日繁。若不拯濟。恐致失快。請以各路刷到馬足。量給各驛走逆事。都省準擬。一十站總撥馬八百四十七匹。大都驛馬四百一十七匹。民鄉馬五十匹。涿州馬五



十匹。昌平馬五十匹。榆林馬五十匹。洪贊馬五十匹。雷家馬五十匹。夏店馬五十匹。薊州馬五十匹。通州馬三十匹。十月二十四日。太保左丞相別不花。郎中牙不忽等。特奉聖旨。河南。江西。湖廣。三省。打捕天鵝。乘驛進送。類併。站赤甚苦。今後斟酌。進一兩次。其餘如意。鹽淹訖。以驛舟進來。令都省移文諭之。欽此。是月。兵部奉中書省劄付。行省腹裏。凡起運金銀鈔錠。匹串諸物。俱有定立程限。近來往往。違期不到。以致河水結凍。舟楫不通。節督拘該。有司差情。民車。和雇脚力。搬運。不唯破費官錢。重勞民力。其間弊病多端。蓋因各處官司。不為用心。擇人押運。或至站所。不即給船。停滯。遲延。於事未便。都省議得。起運物色。各處提調正官。首領官。須要照依元定程期。已裏。差能幹人。押運到都。如依前違限。定將押運官。庫官。庫子等。痛斷。及取當該首領官吏。招伏究治。拘該站所。運物至彼。到時給船。若違調怠慢。刁蹬停滯者。亦行斷罪。仰依上施行。十一月十日。右丞相燕帖木兒。平章政事。欽察。賚。通政院使。寒食等奏。昌平。榆林。洪贊。鴨窩。赤城。龍門。獨石。夫八兒。克。昔寶赤。李陵臺。桓州。灣陽。雷家。宣德。西驛。白草湖。若鹽泊。小寨兒。乞兒。撒克。哈兒。惹赤。忙吉兒。克。夏店。薊州。遵化。等二十三站。經值兵戈消乏。使臣頻數。站戶甚苦。乞賜矜憫。每站各與鈔五百錠。奉旨。

永樂大典卷一萬九千四百二十一

西

準都省欽依。委官。同通政院使。幹。綽。同知。通政院事。香山。欽依。給散訖。二年。三月九日。中書省奏。木。情。帖。里。干。站。赤。消。乏。臣等議。消。乏。甚。者。與。鈔。一。千。錠。次。者。與。五。百。錠。賑。濟。之。奉。旨。準。數。內。帖。里。干。木。情。兩。道。消。乏。之。甚。者。亦。乞。照。等。一。十。六。站。每。站。各。與。一。千。錠。其。忽。蘭。赤。斤。七。站。各。與。五。百。錠。都。省。委。官。同。通。政。院。副。使。出。出。判。官。克。帖。木。兒。馳。驛。前。去。散。訖。四。月。十。四。日。左。丞。相。帖。木。兒。不。花。亦。都。護。右。丞。徹。里。帖。木。兒。奏。知。政。事。王。結。等。奏。通。政。院。言。納。憐。四。十。七。站。消。乏。每。站。擬。乞。與。鈔。五。百。錠。臣。等。議。得。消。乏。甚。者。各。與。鈔。五。百。錠。餘。站。四。百。三。百。錠。與。之。奉。旨。準。都。省。差。官。與。通。政。院。都。事。哈。散。同。詣。二。十。四。站。給。散。訖。鈔。一。萬。一。千。三。百。錠。哈。必。兒。哈。不。刺。一。十。八。站。每。站。五。百。錠。計。九。千。錠。澤。克。等。五。站。每。站。四。百。錠。計。二。千。錠。兀。迷。禿。一。站。三。百。錠。十。五。日。中。書。省。判。送。兵。部。據。大。都。中。大。都。至。上。都。一。千。里。路。起。運。伯。亦。幹。耳。柔。顏。料。并。竹。地。席。和。雇。車。輛。脚。價。斤。重。依。例。支。付。覆。實。司。提。舉。楊。奉。訓。體。度。得。大。一。統。志。內。大。都。至。上。都。止。是。八。百。里。路。合。依。典。故。改正。本。部。議。大。都。至。上。都。里。路。跋。涉。山。嶺。險。阻。崎。嶇。車。程。搬。運。難。同。坦。途。若。依。典。故。一。禁。定。論。似。涉。偏。執。况。兼。此。例。循。行。已。久。合。依。大。都。路。已。擬。相。應。二十七日。中書省准甘肅省咨。鎮南管卜岐王位下。大兒忽克紅城。

兒兩站與荆王位下。蒙古七站。一路接連。見准都省咨文。接濟馬料。本枝下二站。若蒙依例應副。似不備負。送兵部擬。合比依前例。官為應副。冬季三箇月料粟相應。都省軍擬。至天曆三年正月。兵部別卷內。照得天曆二年。六月二十一日。甘肅省言。先為荆王也。遠不干位下。蒙古七站。未接濟。量撥天曆冬季三箇月料粟。六千三百石。為無見在。奉定四年折支價錢。致和元年。又行呈索依例支付。今照得元奉都省咨文。止是量擬。擬奉定四年冬季三箇月料粟。即非常例。本位下自有設置倉款。歲收稅石甚多。况荆王位下。樂管軍民最為富庶。若以常例。官為支付馬料。實是費耗官錢。本部議上項七站。既甘肅行省言料粟。自世祖皇帝以來。不曾應副。本位下多有錢糧。軍民富庶。如遇天災。派行站赤生受。合依行省所擬。從本枝下自行接濟相應。都省準擬。今照得鎮南管下。岐王位下。大兒忽禿。紅城兒兩站。告求接濟。已蒙都省準擬。移咨甘肅行省。放支三箇月料粟。其本位下與荆王位下站赤。即係一體。既荆王位下。蒙古七站。已經呈準。例從本枝下自行接濟。其岐王位下兩站。元準接濟三箇月料粟。擬合止當相應。宜從都省移咨甘肅行省依例施行。是月兵部奉中書省劄付。中書右丞徹里帖木兒。郎中也孫脫奏。鷹房總管府。言各路打捕戶。歲貢天

賜錫鷄準備進赴上都。及影堂祭供。兵部自正月不給驛馬。今乞自用總管府銷馬。聖旨。差人各路依先例起解。奉聖旨。準。欽此。都省仰欽依施行。六月二十六日。中書右丞關兒吉思等奏。陝西省言。奉元路在城并臨潼同官等二十三站。四年蝗旱。田禾不收。人自相食。若不接濟。即見廢絕。每站乞與鈔四百錠以賑之。奉旨。若曰。百姓消乏至此。微惠何能得濟。聞來使之言。謂站戶饑荒。大半逃亡。於已擬各站四百錠鈔之上。議增給之。仍咨于皇太子。就使差人前去接濟。然後奏聞。既而中書復奏。每站增給鈔總為五百錠。上從之。都省委官。同通政院會院。雙台。馳驛至奉元等站。給散訖。中統鈔一萬一千五百錠。八月十三日。右丞相燕帖木兒。平章政事欽察。詳。參知政事阿榮。趙世安等。持奉聖旨。站赤消乏。省中可與物力。整治。聞。監騎銷馬者多。若不仔細提調。將愈致消乏。今省官內。令阿榮。趙世安。兩人提調。除中書省。樞密院。御史臺。其餘大小衙門。不以此何公事。差人乘驛者。令通政院稟過提調官。必令馳驛之事。仔細分揀。過省中附簿。詳酌與之。不合馳驛者。勿給。通政院每月養馬多少。明白開寫。關部呈省。可通行文書諭之。欽此。十一月二十七日。通政院便定住。寒食。同知通政院事。羊坤。通政院副使。出出等。奏。八哈赤僧人等。無宣政院文字。



# 永樂大典

卷一九四二二

自索驛馬者多。今乞有宣政院印信文字。合與者。仔細分揀與之。奉旨準。欽此。開兵部轉呈都省施行。是日宣政院使亮堅帖木兒脫因公哥簇。吉林伯顏也不干相哥失里。同知宣政院事左吉等奏。諸王駙馬。及各衙門無宣政院文書。於通政院泛濫給驛。差人赴西番者多。以此沿途站赤。甚是消乏。今乞無宣政院文書者。不令應副銷馬。奉聖旨是矣。拘該衙門。可行與文書。又奏西番三路宣慰司等官。推稱起解。謀主呪師大醫。答魯赤。亦為私已之事。來者多有。若聽其如此。站赤辛苦。若用此輩人。朝廷往取之。今後無聖旨。無宣政院明白文書者。乞不許來上。仍令臨洮府。寧河脫脫禾孫。加意提調。如此來驛來者。勿給驛馬。計稟宣慰司官奏來。奉聖旨從之。三年正月十七日。通政院使塞食言。至元七年。設立諸站都統領使司。十三年改陞通政院。管領蒙古漢人水陸站赤。至大四年。以漢站。隸兵部。本院止領蒙古站赤。延祐七年。又併董之。大德至大年間。為各處站赤消乏。差官僉稱。不失元額。人屢奉聖旨。整治搏節。迄今六十餘年。未嘗廢弛。去歲兵興。通政院首先準備補馬。欽迎皇帝於江陵。使臣接踵馳驛至都。馴登大寶。干戈未息。東至千民鎮。雇兒嶺。北至虎北口。居庸關。西至白羊峪。紫荆關等處隘口。軍兵守把。應用軍器糧糶等物。並給站車。

永樂大典卷一九四二二

十六

輓運。計用四千餘輛。以軍情起馬一萬七千餘匹。起洪贊榆林雷家三站。於昌平立黃花鎮。石槽站。摘馬走近。大都驛馬。竄奪不數。稟奉都堂鈞旨。摘撥良鄉。涿州。新城。雄州。河間站赤。銷馬赴都。協濟。本院官吏晝夜供給。未嘗頃刻輟離。亦無分毫失候。平定之後。站民之家。室廬焚蕩。人馬喪亡。無聊甚矣。幸承恩命。賑濟以寧。畧舉大都。通州。薊州。夏店。蓮化。昌平。榆林。洪贊。雷家。良鄉。涿州。易州。涿水。馬步等站。并北口。蒙古站赤。接濟訖中。統鈔一十五萬七千四百六十五錠。糧四千六百四十六石八斗。馬一千二百六十匹。馳五百隻。又護都忽皇帝還自朔漠。豫王太平王答剌罕。太師右丞相送寶。本院官吏前去迤北。蒙古站赤。排辦銷馬。及差官赴陝西。奉元路等二十三站。賑餼。每站給散中統鈔五百錠。計一萬一千五百錠。奏乞知之。二月二日。兵部奉中書省劄付。刑部呈。奉省判江浙省答。宣使阿散起運福建運司鹽課。赴中書省交納。天曆二年正月。二十一日。辰時。至保定路。雄州驛。令人等俱不在站。久之。李驛令張提領等。帶酒引百戶等二十餘人來至。不肯照前站。問文應副。駭銀馬匹。牽馬人夫。但索差劉聖旨。辨驗。意恐催督。恣行罵詈。拽阿散至州街。知州首領官。亦不助力成就。既候至申時。仍前不肯應副。就令牽馬人騎駭銀馬。起運。至二十



三日到富寧庫寄收阿散已於天曆二年正月二十七日具呈中書省省  
 撥下通政院取問外本省歲辦一應錢糧軍器跌匹并計置積造進呈諸  
 物俱有定立程限每年不下五六十運實為繁重全以宣使押運赴都該  
 置站赤專一運送官物惟州站官不以官物為重故肆充暴凌辱使人有  
 司不肯助力成就若不嚴加懲誡通行各處禁約慮恐已後倣此看同泛  
 常阻滯未使都省送刑部議上項事理係在天曆二年八月十五日已前  
 擬合欵依詔赦革撰宜令通政院通行禁治站官人等今後敢有違犯痛  
 行斷罪相應都省準呈是月兵部奏中書省劄付御史臺呈江南行臺  
 監察御史言朝廷設立驛站陸則乘馬水則備舟點僉籍民俾充站戶具  
 船馬備什物恐致廢弛今有司親臨提調廉訪司常加點視此誠良法也  
 近年以來各處官司雖有所孥主鈔本數少不能充用又差人出使合城  
 省而不減省者有之不當給驛而濫給者有之差出之人擅擾站赤毆打  
 官吏需索錢物有司提調之官視為泛常廉訪司出巡之際置于度外是  
 致站戶靠損馬弱船漏什物廢壞卑職近因公差赴都竊見河間保定南  
 北站赤多有廢弛去處馬盡瘦損不堪走逆詢其所由蓋因兩淮起解鹽  
 本鈔本一運不下四五十匹駝馱甚重如一站馬匹不敷則轉逆前站是

宋樂真卷一萬九千四百二十一

七

致靠損况今使臣往來頻併若不整治恐過軍情急事遲誤關繫非輕行  
 臺看詳諸處站赤消乏積非一日况河間保定東西會于涿州直至京師  
 至為辛苦泛濫給驛雖有禁條然法行自貴近始當此之際尤宜撙節今  
 後在都應有給驛除軍情重事外如有宣喚官員非朝廷知識急用人才  
 必合乘驛者從中書省聞奏減省庶使站赤稍甦事關緊切不致少悞餘  
 準監察御史所言相應御史臺具呈照詳本部移準通政院關立站之由  
 本以宣布欵令道報軍情急事近年以來各衙門不體事之緩急泛濫給  
 驛及兩淮起運鹽課鈔錠靠損馬匹今後除軍情重事必合乘驛外其餘  
 緩慢細事不許泛濫給驛兩淮等處起運鹽課舟楫既通合依舊例用船  
 運運相應準此會驗到大元通利內一欵大德八年七月申書省照得各  
 處行省不依都省元行往往泛濫給鋪馬雲南四川尤甚中間多有任滿得  
 代無祿之人或因起納諸物或指計稟公事為名馳驛赴都因而求仕直  
 至得除馳驛回還不唯虛費官司成例實恐遞漸消乏站赤深為不便都  
 省議今後任滿得代無祿之人不許差使赴都如違定將當該首領官究  
 治移咨各處及劄付御史臺體察又一欵至大四年二月兵部契勘內外  
 諸司設立宣使奏差蓋為幹辦公事其各處行省宣慰司等衙門比年不

行差違故委州縣正官并得代不應差使管幹已私之人或以軍情為重或以錢糧為大或以貢物為急驗其品職多起銷馬道途之間源源不絕站亦消乏蓋因於此若不整治深為未便擬合通行各處今後凡遇押運官物計粟勾當應合給驛之事須違宣使奏差人負量立程限仍取甘罪文狀在都諸衙門如遇各處起納官物計粟公事之人依期發遣事無壅滯省減銷馬都省准呈今奉前因本部議擬到逐項事理具呈照詳本省議得近年以來各處饑荒站亦主受蓋因拘該官司泛濫給驛使客繁多中間做公營私往來沿途住滯及不詳事體緩急一槩走驟倒死銷馬若不定立程限從宜撙節深為未便今定擬到使臣日行馬程里路禁治事理仰通行依上施行三月九日中書兵部準通政院關天曆二年八月十九日欽奉詔書內一欵節該站亦消乏比及僉補以來其令中書省撙節冗濫名件除中書省樞密院御史臺及一切軍情緊急重事外諸衙門應給銷馬必須經由省部通政院毋得濫行給驛欽此本院乃京師輦轂之下四方會同之所置郵傳命飛報軍情邊關緊急不為不重除中書省樞密院御史臺及一切軍情緊急重事欽此給驛外其餘諸王公主駙馬行省路府州縣并各處納物回還者往往赴院倒給站車船隻驛馬別無

所守通例未審合無應副宜令合干部分定擬明白遵守相應本部議得在都諸司應給銷馬除中書省樞密院御史臺外其餘衙門并諸王公主駙馬欽依詔書並須經由本部斟酌所辦事務撙節定擬合駙馬數移關通政院應付外據行省路府州縣各處稟事納物回程合給銷馬站車船隻如毛末差劉前站關文及納獲米鈔并差委公事回文明白於例別無冒濫爭差不應者從通政院照勘就便給付相應呈省準擬十四日太師太平王答剌罕右丞相燕帖木兒對通政院官傳聖旨近者奏詔書除中書省樞密院御史臺外其餘諸衙門差人無省部文書勿給驛今若候省部文書公事必至遲慢奉聖旨今後其餘諸衙門不必經由省部徑直移文通政院給驛本院于細分揀斟酌與之欽此本院關兵部欽依轉呈都省照詳連送本部就行欽依施行是月中書省準江浙省咨監察御史言江浙江西湖廣三省水陸站赤供給繁重祇應錢物不敷以站戶餘糧內差充庫子貼備祇待似為藉損合照依舊例於巡慰司見仗司吏內差充二歲陞州吏一歲陞縣吏本省看詳各處庫子元擬餘糧站戶內輪日應當尚且失誤今改巡尉小吏管辦關領官錢中間不無侵漁委是不便如依舊例相應送兵部議得江浙行省水馬驛祇待庫子既與腹裏事

例不同合準本省所擬餘糧站戶內差撥上下半年交替就準本戶里正  
主首身役相應呈省準擬又太師右丞相燕帖木兒平章政事欽察解阿  
禮海牙趙世延右丞撒迪參知政事和尚蔡文洞參議中書省事忽都海  
牙等奏兵部言以站赤消乏之故不應給驛者省官分揀見於皇帝登寶  
位之詔在前賜田收穀身故送喪之人不曾給驛今各衙門官員為營私  
事不肯遵守法度搬取家屬收拾子粒遷葬娶妻送靈嫁女泛濫給驛以  
致站赤消乏臣等謂站赤本為轉達國家政令通報邊境軍情而設今後  
似此但凡私事奏乞驛馬者禁革一切不應給驛者依詔書體例分揀為  
宜奉聖旨卿言是矣可移文各處勿  
令泛濫給驛欽此都省通行照會

# 永樂大典卷之一萬九千四百二十一

永樂大典卷一萬九千四百二十一

九



# 永樂大典

卷一九四三二

重錄

總校

官

傅

師

臣

學士

臣

王

分校

官

修

撰

臣

書寫

儒士

臣

朱

明點

監生

臣

林

臣

董

仲

輅

松

松